



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCCLXVII. Jacob von Rossow verkauft dem Rath zu Seehausen zur Stiftung der Marien-Zeiten Hebungen aus seinem Hofe zu Schöneberg, am 26. Juni 1495.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CCCLXVII. Jacob von Rossow verkauft dem Rath zu Seehausen zur Stiftung der Marien-
Zeiten Gebungen aus seinem Hofe zu Schöneberg, am 26. Juni 1495.

Vor alleszweme desze apen bryff kumpnt, sehen, horen ofte leszen, Bekenne ick Jacob von Rossow, wanhaftich to Schonenberge, vnde betuge myt deszem mynem apen bryfe, dat ick myt rade, willen vnde fulbort ffrederyck von rossouws, mynes broders, vor my vnde myne rechte eruen Rechte vnde redeliken hebbe vorkofft vnde vorkope ok ieghenwerdich In crafft vnde macht deszes mynes apen bryfes to eynem rechten weddirkope den Erszamen mannen, Borghermeistern, Scheppen vnde Radmannen to Sehufen, alse vorwesern to truer hant, vnde szunderliken den werdighen heren Petro schonremarcken vnde Stephano Rauen, Alse principalen, vnde allen eren nakomelingen, dede na en yn ehre stede vnser leuen frouwen tyde werden syngende vnde vorwarende, sampntliken tho gelikem deele, vieff punt Stendalscher weringhen Jarliker renthen, eynem yowelken viff firdinghe, alle iar vp szunte Johannis baptisten dach to mydenzommer Auer mynen hof vnde acker myt allerleye tobehoringhen, dar ick Jacob von rossow by der kercken to Schonenberghe belegen vppe wane vnde den vor myk ynne hebbe. Hir var hebben my de gnanten Prestere myt willen, wetenheyt vnde fulbort des Rades an eynem szummen bynnen Sehufen thor noghe ghegeuen vnde bereydet Szauen vnde druttich marck Stendalscher werynghen, de ick ghantz vnde all hinricke von resstorpe hebbe ouer gheantwerdet vnde to ghude vff myn ghudt so ghenomen, dede vorthan yn syne vnde syner eruen genuth vnd framen sint ghekomen, So ick ghnoghaffige weddirstatinghe vnde vorwaringhe van om darvar hebbe entfanghen etc. — Vnde ick Jacob von rossow vnde myne rechte eruen schollen vnde willen dem Rade to Sehufen, alse lehnheren, den gnanten beiden presteren vnde allen eren nakomelinghen der viff punt iarliker renthen vnde deszes kopes rechte fredelike gheware wesen vor alle ansprake geistlikes vnde wertlikes gerichtes vor alle doghenne, dede vor recht komen, recht gheuen vnde nehmen willen, szunder all eren schaden, vnd szette sze yn de rouwelike fredeszame brukende were vnde vpbaringhe, myt crafft deszes bryfes. Auer sodanen koepp hebbe ick Jacob von roussouw vor my vnde myne rechte eruen alle iar bescheiden vnde beholden eynen wederkoepp etc. — Desses to orkunt — hebben vnser twier Ingesegille vor vns vnde vnse rechte eruen met eyndracht witliken an deszen apembryff heyten hanghen, De gheuen vnde gescreuen is nach der geborth Cristi vnser heren dusent vierhundert iar, Im viff vnde Neghentigsten iare, Am ffridage Johannis et Pauli.

Nach dem vom Herrn Pastor Bartsch in Seehausen mitgetheilten Original.

CCCLXVIII. Kurfürst Johann belehnt Hans von Lindstedt mit den von Barthold und Heinrich
Hacken erkaufte Besizungen in Bisweide, am 2. Juli 1495.

Wir Johans etc. Bekennen etc., Das wir vnsern lieben getrewen hanfen von lindstet vnd seinen menlichen leibs lehenserben disse hirnach geschriben gutter, Jerlich Zins vnd renth